

SAMÞYKKT

fyrir sorphirðu í Borgarfjarðarsveit.

I. KAFLI

Almenn ákvæði.

1. gr.

Borgarfjarðarsveit annast sorphirðu þ.e.a.s. sorphirðu og sorpeyðingu í hreppnum. Hreppsnefnd er heimilt að fela öðrum framkvæmd sorphirðu og skulu þeir aðilar hafa starfsleyfi heilbrigðisnefndar eða Hollustuverndar ríkisins eftir því sem við á.

Heilbrigðisnefnd Vesturlands, samkv. 7. tölul. 2. mgr. 11. gr. laga nr. 7/1998 um hollustuhætti og mengunarvarnir, með síðari breytingum, hefur eftirlit með því að farið sé að samþykkt þessari.

2. gr.

Sorphirða skal framkvæmd undir yfirstjórn eftirlitsmanns hreppsins og skal hann jafnframt vera tengiliður og sjá um samskipti við þá aðila sem annast sorphirðu á hverjum tíma. Einnig ber hann ábyrgð á móttöku spilliefna og meðferð landbúnaðarplasts og brotajárns.

3. gr.

Sérhverjum er skylt að nota þau ílát sem hreppsnefnd ákveður. Sorpgeymslur og gámasvæði skulu vera aðgengileg. Húsráðendur skulu tryggja að sorp sem sótt er heim sé aðgengilegt á tilgreindum sorphirðutímum.

4. gr.

Óheimilt er að láta garðaúrgang, jarðefni eða grjót, brotajárn og landbúnaðarplast í sorpilát og gáma. Spilliefnum og öðrum hættulegum úrgangi skal skilað á móttökustaði hreppsins.

5. gr.

Hreppsnefnd ákveður, að fengnum tillögum eftirlitsmanns sorphirðu og framkvæmdaradila sorphirðu, tíðni sorphreinsunar. Ákvörðun um skipulag, staðsetningu og tíðni hreinsunar á gámasvæðum sem og sérstakar safnanir, svo sem á landbúnaðarplasti, skal tilkynnt íbúum og fyrirtækjum hreppsins með skriflegum hætti ár hvert.

II. KAFLI

Sorphirðugjöld.

6. gr.

Hreppsnefnd er heimilt að setja gjaldskrá að fenginni umsögn heilbrigðisnefndar til að standa undir kostnaði við sorphirðu. Í gjaldskrá skal vísa til þessarar samþykktar. Gjöld mega ekki vera hærri en nemur rökstuddum kostnaði við veitta þjónustu og framkvæmd eftirlits með einstökum þáttum. Hreppsnefnd skal láta birta gjaldskrána í B-deild Stjórnartíðinda.

III. KAFLI

Ýmis ákvæði.

7. gr.

Hafi íbúar fram að færa kvörtun vegna sorphirðu skulu þeir koma henni á framfæri við framkvæmdastjóra hreppsins. Íbúum er enn fremur heimilt að snúa sér til heilbrigðisnefndar Vesturlands með kvartanir.

8. gr.

Með brot á þessari samþykkt skal farið samkvæmt ákvæðum laga um hollustuhætti og mengunarvarnir nr. 7/1998.

9. gr.

Ofangreind samþykkt hreppsnefndar Borgarfjarðarsveitar staðfestist hér með samkvæmt 25. gr. laga um hollustuhætti og mengunarvarnir nr. 7/1998, með síðari breytingum, til þess að öðlast þegar gildi.

Umhverfissráðuneytinu, 28. apríl 2000.

F. h. r.

Ingimar Sigurðsson.

Ólafur Pétursson.

28. apríl 2000

Nr. 303

SAMÞYKKT

um kattahald á Akranesi.

1. gr.

Kattahald í Akraneskaupstað sætir þeim takmörkunum sem greinir í samþykkt þessari.

2. gr.

Aldrei skal halda fleiri en tvo ketti, eldri en þriggja mánaða, á sama heimili. Alla ketti skal merkja með ól um hálsinn, eða á annan sambærilegan hátt, þar sem fram koma upplýsingar um eiganda, heimilisfang og símanúmer.

3. gr.

Eigendum katta er skylt að gæta þess að köttur hans valdi ekki tjóni, hættu, óþægindum, óþrifum eða raski ró manna. Kattareiganda ber að greiða allt það tjón sem köttur hans veldur, svo og greiðslu alls kostnaðar við að fjarlægja dýrið gerist þess þörf.

4. gr.

Eigendum og forráðamönnum katta ber að taka tillit til fuglalífs á varptíma, t.d. með því að hengja bjöllu á ketti og eftir atvikum að takmarka útiveru katta. Foreldrar eru ábyrgir fyrir köttum ólöggráða barna sinna.

5. gr.

Ketti skal hreinsa af spóluormum reglulega, þ.e. einu sinni á ári, eða oftár eftir þörfum. Eigendur katta skulu halda til haga vottorðum um reglulega ormahreinsun katta.

6. gr.

Ef köttur hverfur frá heimili sínu skal eigandi eða umráðamaður gera ráðstafanir til að finna köttinn. Starfsmönnum Akraneskaupstaðar er heimilt að handsama ketti. Hafí kattarins ekki verið vitjað innan einnar viku skal honum ráðstafað til nýs ábyrgs eiganda eða hann aflífaður.

Bæjarstjórn skal gera ráðstafanir til útrýmingar á villiköttum. Slíkar aðgerðir skulu auglýstar á áberandi hátt með a.m.k. einnar viku fyrirvara.